



partii naleraq

UKA 2015/46-01

04.11.2015

**Aningaasarsianit akileraarutit pillugit Inatsisartut inatsisaata allangortinneqarneranik Inatsisartut Inatsisaat nr. 9, 3. December 2012-imeersumi nalikillilersuinernut maleruagassat kingullermik allangortinnerisigut aningaasaqarnikkut kingunerisassai pillugit kingusinnerpaamik UKA 2016-imut atatillugu saqqummiunneqartussamik nalunaarusiornissannik Naalakkersuisut peqquneqarnissaannik Inatsisartut aalajangiiffigisassaattut siunnersuut. Nalunaarusiornikkut takutinneqassaaq allannguuteqarneq ingerlatsiveqarfinnut mikinerusunut akunnattumillu angissusilinnut aningaasaqarnikkut kinguneqarsimanersoq. Taamatuttaaq nalunaarusiami ingerlatseqatigiiffiit atortussanik nutaanik angaasaliiffigisaminnillu nalikillilersuisinnaanerat siunertaralugu aningaasatigut kingunerisat nalilersuinernik imaqartinneqassaaq.**

(inatsisartunut ilaasortaq Agathe Fontain, Inuit Atqatigiit).

Inatsisartunut ilaasortap Agathe Fontain-ip siunnersuutaa: aningaasarsianit akileraarutit pillugit Inatsisartut inatsisaata allangortinneqarneranik Inatsisartut Inatsisaat nr. 9, 3. december 2012-imeersumi nalikillilersuinernut maleruagassat kingullermik allangortinnerisigut aningaasaqarnikkut kingunerisassai pillugit kingusinnerpaamik UKA 2016-imut atatillugu saqqummiunneqartussamik nalunaarusiornissannik Naalakkersuisut peqquneqarnissaannik Inatsisartut aalajangiiffigisassaattut siunnersuut. Nalunaarusiornikkut takutinneqassaaq allannguuteqarneq ingerlatsiveqarfinnut mikinerusunut akunnattumillu angissusilinnut aningaasaqarnikkut kinguneqarsimanersoq. Taamatuttaaq nalunaarusiami ingerlatseqatigiiffiit atortussanik nutaanik angaasaliiffigisaminnillu nalikillilersuisinnaanerat siunertaralugu aningaasatigut kingunerisat nalilersuinernik imaqartinneqassaaq. Taanna Partii Naleqqamiit imannak oqaaseqarfigissuarput.

Akileraarutitigut nalikilliliisarnermut maleruagassat 2012-imi allangortinneqarsimanerat suliffeqarfinnut mikinerusunut akunnattumillu angissusilinnut equinerlussimassappata Partii Naleqqamiit tamanna assut pakatsinartutut nalilissuarput, tassami Partii Naleqqami suliffeqarfiit mikinerit akunnattumillu angissusillit periarfissat tamaasa atorlugit pitsaasumik ingerlalernissaanut tapersersuinerput tamaviaarukkatsigu, taakkuami suliffeqarfiit tassaapput, amerlanertigut maani

nunaqavissunut suliffissaqartitsillutillu ilinniartunik amerlasuunik isumaginnilluartuusut,  
minnerunngitsumillu aamma nunatsinni aningaasanik kaaviiartitsinermit iluaqutaalluartut.

Aamma akileraarutitigut nalikilliliisarnermut maleruagassat allanngortinneqarnerisa  
kingunerisaannik nutaaliornernut ineriartortitsinermullu atatillugu suliffeqarfeqqat suliffiillu  
akunnattumik angissusillit eqqornerliorneqarsimassappata, tamanna piaartumik  
aaqqiiviginiarneqartariaqartoq Partii Naleqqamiit isumaqarpugut.

Taamaattumik siunnersuut tamakkiisumik taperserlugu ataatsimiititaliami susassaqarfiusumik  
suliarineqarnissaa inassutingaarput.